



Na osnovu člana 69. stav 2. tačka d) i 70. st. 1. 4. i 6. Zakona o javnim nabavkama („Službeni glasnik BiH“, broj 39/14, 59/22), u otvorenom postupku za izvođenje radova na proširenju sjedećih mjesta na škarpi na desnoj strani obale rijeke Bosne, od Jalijskog mosta, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za izvođenje radova na proširenju sjedećih mjesta na škarpi na desnoj strani obale rijeke Bosne, od Jalijskog mosta, iz razloga što nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-13041/23 od 15.06.2023. godine. Obavještenje o nabavci broj: 1355-1-3-158-3-138/23 objavljeno je na Portalu javnih nabavki dana 27.06.2023. godine i u Službenom glasniku broj: 47/23 od 07.07.2023. godine.

Procijenjena vrijednost za predmetnu nabavku iznosila je 127.679,13 KM bez PDV-a.

U krajnjem roku za dostavu ponuda, Ugovorni organ je zaprimio jednu ponudu konzorcije: Pulmont“ d.o.o. Zenica i „Špic beton“ d.o.o. Zenica. Ponuda ne ispunjava uslove propisane tenderskom dokumentacijom.

Tenderskom dokumentacijom u tački 6.8. je propisano: “Ukoliko se u ponudi vrše ispravke podataka ili cijena, ispravke se moraju vršiti na način da su vidljive (ispravljeni podaci moraju biti vidljivi), prekriženi sa dvije ravne linije, pored kojih je potrebno upisati tačan podatak ili cijenu, i koja treba biti potvrđena potpisom i sa datumom izvršene ispravke.”

U predmjeru radova na stavki 8.13 je izvršena računaska ispravka suprotno odredbama tenderske dokumentacije i Pravilnika. Preko jedinične i ukupne cijene je prekrižena linija, stavljen pečat i potpis, ali bez datuma ispravke.

Tačkom 5.4. tenderske dokumentacije je propisano: “Način dostavljanja garancije za ozbiljnost ponude: Garancija za ozbiljnost ponude dostavlja se u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude.”

Ponuđač je dostavio Garanciju za ozbiljnost ponude suprotno zahtjevu iz tenderske dokumentacije, odnosno garancija je uredno upakovana u plastičnu foliju, na koju je zaljepljena papirna naljepnica ali na papirnu naljepnicu nije utisnut pečat.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi neposredno Ugovornom organu u pisanoj formi.

Broj: 02-11-13041-2/23

Datum: 28.07.2023. godine

DOSTAVLJENO :

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:

Fuad Kasumović